

# **Miongozo Ya Ukuaji (Directions Of Growth)**

**Na**

**Ellis P. Forsman**

# **Miongozo Ya Ukuaji**

**Na**

**Ellis P. Forsman**

**Oktoba 11, 2011**

# Miongozo Ya Ukuaji

## Zaburi 1:3

Zaburi 1:3, *“Naye atakuwa kama mti uliopandwa kandokando ya vijito vya maji, uzaao matunda yake kwa majira yake, wala jani lake halinyauki; na kila alitendalo litafanikiwa.”*

Ukuaji wa kiroho ni somo muhimu katika Biblia. Ama mtu akue au ashindwe.

Mtunzi wa Zaburi Daudi anamlinganisha mtu mwenye haki na mti unaostawi. Mti unaostawi hukua katika pande nne – chini, juu, ndani, na nje. Tunapaswa kukua katika aina hizi nne kama Wakristo.

## Chini

Mfumo wa mizizi ya mti ni muhimu. Kwa mfumo mzuri wa mizizi, mti unaweza kuhimili dhoruba na ukame; unaweza kupata maji na madini sahihi unaohitaji kutoka ardhini.

Ukuaji wetu wa kiroho lazima pia uimarishwe vyema. Efe. 3:17-19, *“Krsito akae mioyoni mwenu kwa imani mkiwa na shina na msingi katika upendo; ili mpate kufahamu pamoja na watakatifu wote jinsi ulivyo upana, na urefu, na kimo, na kina; na kuujua upendo wake Kristo, upitao ufahamu kwa jinsi ulivyo mwingi, mpate kutimilika kwa utimilifu wote wa Mungu.”*

Kama vile mti ulio na mizizi imara unavyoweza kuhimili dhoruba, ndivyo tunavyoweza kumhimili shetani tukiwa na mizizi na kuimaarishwa katika Kristo.

Tunaweza pia kuvumilia mateso yo yote na majaribu ambayo inaweza kuja kwetu. Kol. 2:7, *“Wenye shina na wenye kujengwa; mmefanywa imara kwa imani, kama mlivyo fundishwa; mkizidi kutoa shukrani.”*

Wakristo wa kwanza walitufundisha jinsi tunavyoweza kutoa shukrani hata kama mambo yakionekana hayaendi. 1 Pet. 4:12-16, *“Wapenzi msione kuwa ni aajabu ule msiba ulio kati yenu, unao wapata kama moto ili kuwajaribu, kana kwamba ni kitu kigeni kiwapatacho.”*

*Lakini kama mnavyoyashiriki mateso ya Kristo, furahini; ili na katika ufunuo wa utukufu wake mfurahi kwa shangwe. Mkilaumiwa kwa ajili ya jina la Kristo ni heri yenu; kwa kuwa Roho wa utukufu na wa Mungu unawakalia. Maana mtu wa kwenu asiteswe kama mwaaji, au mwivi, au mtenda mabaya, au kama mtu ajishughulishaye na mambo ya watu wengine. Lakini ikiwa kwa sababu ni Mkristo asione haya, bali amtukuze Mungu kwa jina hilo. Maana wakati umefika wa hukumu kuanza katika nyumba ya Mungu; na ikianza kwetu sisi, mwisho wao wasioitii unjili ya Mungu utakuwaje?”*

Petro anawahimiza wassikilizaji wake kukua katika neema na ujuzi. 2 Pet. 3:17-18, *“Basi wapenzi mkitangulia kujua hayo, jilindeni nafsi zenu, msije mkachukuliwa na kosa la hao wahalifu, mkaanguka na kuuacha uthibitifu wenu. Lakini, kueni katika na kaatika kumjua Bwana wetu na Mwokozi Yesu Kristo. Utukufu una yeye sasa na hata milele.”*

## **Juu**

Kwa vile mwanadamu anahusishwa na vitu vya kimwili, mara nyingi anashindwa kutazama juu.

Mara zote tunapaswa kuendelea kumtazama Yesu. Ebr. 12:2, *“Tukimatazama Yesu mwenye kuanzisha na mwenye kutimiza imani yetu; ambaye kwa ajili ya furaha ilyowekwa mbele yake aliustahimili msalaba na kuidharau aibu, naye ameketi mkono wa kuume waa kiti cha enzi cha Mungu.”*

Paulo anasema wenyeji wa Wakristo yako mbinguni. Fil. 3:20, *“Kwa maana sisi wenyeji wetu uko mbinguni; kutoka huko tena tunamtazamia Mwokozi Bwana Yesu Kristo.”*

Kwa ukuaji mzuri, lazima tuutafte ufalme kwanza. Mat. 6:33, *“Bali utafteni kwanza ufalme wake, na haki yake; na hayo yote mtazidishiwa.”*

Tumaini pekee la mtu kwa ukuaji ni kumtazama Kristo aliyesulubishwa. Yoh. 19:37, *“Na tena andiko lingine la nena, watamtazama yeye waliyemchoma.”*

## **Ndani**

Wengi wanashindwa kukua kwa sababu hawajabadilisha mioyo yao.

Ni muhimu kujiangalia ndani yetu wenyewe ili kuweka mioyo yetu safi. Mat. 5:8, *“Heri wenye moyo safi maana hao watamwona Mungu.”*

Mkristo anapaswa kujitahidi kila siku kuwa na fikra safi. Mit. 23:7, *“Maana aonavyo nafsini mwake ndivyo alivyo. Akuambia haya kula, kunywa; lakini moyo wake hauwi pamoja nawe.”*

Maisha ya nje ya mtu huonyesha kilichomo ndani. Mat. 5:16, “Vivyo hivyo nuru yenu na iangaze mbele ya watu, wapate kuyaona matendo yenu mema, wamtukuze Baba yenu aliye mbinguni.”

Kama hauwi imara, ni kwa sababu haukuwi kindani?

## Nje

Toka mwanzo wa Ukristo, tunafundishwa kutazama nje.

Tunapaswa kuangalia mbele yetu; kushirikiana habari njema na wengine.

- Marko 16:15-16, “Akawaambia enendeni ulimwenguni mwote mkaihubiri injili kwa kila kiumbe. Aaminiye na kubatizwa ataokoka; asiyeamini atahukumiwa.”
- Mat. 28:19-20, “Basi enendeni mkawafanye mataifa yote kuwa wanafunzi, mkiwabatiza kwa jina la Baba, na Mwana, na Roho Mtakatifu; na kuwafundisha kuyashika yote niliyowaamuru ninyi; na tazama mimi nipo pamoja nanyi siku zote, hata ukamilifu wa dahari.”
- Luka.24:47, “Na kwamba mataifa yote watahubiriwa kwa jina lake habari ya toba na ondoleo la dhambi, kuanza tangu Yerusalemu.”

Tunapowafundisha wengine, tunawassaidia kukua, nasi tunakuwa.

## Hitimisho

Je umekuwa kama mti uliopo kandokando ya maji? Zaburi 1:3, “Naye atakuwa kama mti uliopandwa kandokando ya vijito vya maji, uzaao matunda yake kwa majira yake, wala jani lake halinyauki; na kila alitendalo litafanikiwa.”

Je umekufa kiroho kwa sababu hujakuwa kama Mkristo?

Mtu hawezi kukuwa isipokuwa akipandwa ndani ya Kristo. Rum. 6:4-6, “Basi tulizikwa pamoja naye kwa njia ya ubatizo katika mauti yake, kusudi kama Kristo alivyofufuka katika wafu kwa njia ya utukufu wa Baba, vivyo hivyo na sisi tuenende katika upya wa uzima. Kwa maana kama mlivyounganika naye katika mfano wa mauti yake, kadhalika mtaunganika kwa mfano wa kufufuka kwake; mkijua neno hili ya kuwa utu wetu wa kale ulisulibishwa pamoja naye, ili mwili wa dhambi ubatilike, tusitumikie dhambi tena,”

Kama hatujakuwa ndani ya Kristo kama mti, tutang’olewa na kutupwa.

- Mat. 15:13, “Akajibu akasema kila pando asilolipanda Baba yangu wa mbinguni litang’olewa.”
- 1 Kor. 3:6, “Mimi nilipanda, Apolo akatia maji; bali mwenye kukuza ni Mungu.”

Mtu anawezaje kukuwa kama mti? Ni lazima apandikizwe. Zifuatazo ni hatua muhimu kuweza kufanya hilo liwezekane:

- Imani. Waeb.11:6, “Maana pasipo imani haiwezekani kumpendeza, kwa maana yeye aje kwa Mungu lazima aamini kwamba yeye ndiye, na kwamba huwapa dhawabu wale wote wamtafutao.” Nilipokuwa shuleni (nikiwa na miaka 17) kijana mmoja jirani yangu miaka sawa na ya kwangu aliniambia kuwa aamini katika Mungu. Kwa vile nilikuwa nimebatizwa, nikachukua muda wa kuongea naye kuhusu maandiko. Akaniambia kwamba anaweza kuona kwamba kuishi maisha ya Ukristo ilikuwa nzuri, lakini hakuwa na uhakika kwamab kuna Mungu. Lakini ilikuwa sehemu yenye usalama, niheri aende kanisani, na akifa na kusimama mbele za Mungu (kama kuna Mungu) katika siku ya hukumu (kama kuna hukumu), labda Mungu atamuruhusu aingie mbinguni (kama kuna mbingu), na siyo motoni (kama kuna moto). Nikamwambia, “haifanyi kazi kwa njia hiyo. Lazima uamini katika yeye kwa moyo wako wote la siyoy huwezi kumpendeza.
- Toba. Matend. 2:38, “Petro akawambia tubuni mkabatizwe kila mmoja wenu kwa jina la Yesu Kristo kwa ajili ya ondoleo la dhambi, nanyi mtapokea kipawa cha Roho Mtakatifu.” Matend 11:18, “...Mungu amewajalia hata mataifa nao toba iletayo uzima.” Kama ulikuwa unalala, ukasikia kelele kwenye chumba nyingine, ukafikiria mwenyewe, “kuna mwizi humu ndani!” Na unachukua simu yako na kuwa pigia polisi, ukiwambia kuwa kuna mwizi nyumbani kwako. Muda mfupi unasikia wanafika na kumshika mwizi. Anapiga kelele, “samahani; samahani!” Anaomba msamaha wa nini? Anaomba msamaha kwa sababu amekamatwa; si kwamba ameiba. Katika toba ya kweli mwizi lazima aombe msaha kwamba hataiba tena na kubadilisha maisha yake. Ni badiliko la nia linalo leteleza badiliko la matendo. Hicho ndicho tunachotakiwa kufanya kabla hatujawa Wakristo.
- **Kukiri.** Waru. 10:9-10, “Kwa sababu ukimkiri Yesu kwa kinywa chako ya kuwa ni Bwana na kuamini moyoni mwako ya kuwa Mungu alimfufua katika wafu, utaokoka. Kwa maana kwa moyo mtu huamini hata kupata haki, na kwa kinywa hukiri hata kupata

wokovu.” Tunakiri nini? Kwamba tunaamini kwamba Yesu Kristo ni Mwana wa Mungu.

Kumbuka kwamba kifungu hicho kwamba imani (kuamini), kutubu, na kukiri ni **“KATIKA”** haki, uzima au wokovu. “Katika” inamaanisha kuelekea kitu Fulani; siyo kwamba tayari amesha pata.

- **Ubatizo.** Ni katika ubatizo ndipo haki, uzima, na wokovu vinapatikana. Yesu, mwenyewe, alibatizwa ili kuitimiza haki yote, *“Lakini Yohana alitaka kumzuia, akisema, mimi nahitaji kubatizwa na wewe, nawe waja kwangu? Yesu akajibu akamwambia kubali hivi sasa. Kwa kuwa ndivyo itupasavyo kuitimiza haki yote. Basi akambatiza. Naye Yesu alipokwisha kubatizwa mara akapanda kutoka majini na tazama mbingu zikamfunukia, akamwona Roho wa Mungu akishuka kama hua akija juu yake; na tazama sauti kutoka mbinguni ikisema, Huyu ni mwanangu mpendwa wangu, ninayependezwa naye.”* (Math. 3:14-17).

Yesu alibatizwa kwa sababu Mungu alisema ni jambo zuri kufanya. Unaona ni jinsi gani ilivyompendeza Mungu Yesu alipobatizwa? Yesu pia akasema “imekuwa kwetu **sisi** *“kuitimiza haki yote”* Tunabatizwa kwa sababu inatimiza haki yake yote, siyo kwa sababu ni haki yetu.

Hakika, tusipobatizwa, bado tungali katika dhambi zetu. *“Petro akawambia tubuni mkabatizwe kila mmoja wenu katika jina la Yesu Kristo kwa ajili ya ondoleo la dhambi, nanyi mtapokea kipawa cha Roho Mtakatifu.”* (Matend. 2:38). Petro, umesema ni nini maana ya ubatizo? *“kwa ajili ya ondoleo la dhambi.”* Kwa nini yeyote anaweza kuacha hatua inayotuondoa dhambi?

Yesu aliamuru kwamba ili kuufikia wokovu lazima tuzikwe. *“Na akawambia enendeni ulimwenguni kote mkahubiri injili kwa kila kiumbe. Aaminiye na kubatizwa ataokoka; asiyeamini atahukumwa.”* (Marko 16:15-16).

Anania alimwambia Paulo (kabla hajaitwa Paulo) kitu kile kile *“Sasa unakaawilia nini? Simama, na ubatizwe ukaoshwe dhambi zako, ukiliitia jina la Bwana.”* (Matend. 22:16).

Ubatizo ni hitaji lililotolewa na Mungu.

Ubatizo unaitwa maziko. *“Basi tulizikwa pamoja naye kwa njia ya ubatizo katika mauti yake; kusudi kama Kristo alivyofufuka katika wafu kwa njia ya utukufu wa Baba, vivyo hivyo na sisi tuenende katika upya wa uzima.”* (Waru 6:4). Utu wetu wa kale lazima ufe. *“Hamfahamu ya kuwa sisi sote tuliobatizwa katika Kristo Yesu tulibatizwa katika mauti yake? Basi tulizikwa pamoja naye kwa njia ya ubatizo katika mauti yake, kusudi kama Kristo alivyofufuka katika wafu kwa njia ya utukufu wa Baba vivyo hivyo na sisi tuenende katika upya wa uzima. Kwa maana*

*kama mlivyounganika kwa mfano wa kufufuka kwake; mkijua neno hili, ya kuwa utuwetu wa kale ulisulubishwa pamoja naye, ili mwili wa dhambi ubatilike, tusitumikie dhambi tena.” ( Waru. 6:3-6). Ubatizo ni ramani yake Mungu kwa kupaka damu ya Kristo katika maisha yetu kwa ubatizo. Tunakuwa huru na dhambi zetu za zamani pale tu tunapobatizwa.*

Hii haimaanishi “kunyunyiza. Andiko hilo hapo juu linasema ubatizo ni maziko. Hatuziki mwili kaburini kwa kuweka udongo mdogo juu yake; tunazika mwili.

Kama hujafanyika Mkristo, kwa nini usizingatie leo?









